

興國縣志卷之一

星野

按張損持太史澂水志林畧不言分野及其修贛州府志以天文為通省所同亦闕而不載孔志錄史記以下數條姑取備體頗多遺佚今就正史稍加詮次特附圖說以訂正其可知者視舊志差詳焉

斗江湖牽牛婺女揚州

史記天官書○按吳楚之疆候在熒惑金出天官書孔志引之

以為本甯都志殊誤○蔣志

吳地斗分野豫章吳分也

漢書地理志

自南斗十二度至須女七度為星紀於辰在丑吳越之

興國縣志

卷之一

星野

分野屬揚州豫章入斗十度

晉書天文志

自豫章迄會稽南逾嶺徼為越分

新唐書天文志

江南東西路禹貢揚州之域當牽牛須女之分

宋史地理志○

按宋史天文志有北斗七星四口權其分為吳之占有三台六星上台下星主荆揚之占有天市垣內東蕃十一星六曰吳越之占有南斗六星四主豫章之占有十二國鄭北一星曰越通志以為越滅吳以後之占有五車五星東南一星曰司空主楚分通志以為楚滅越以後之占有孔志但言屬北斗權星天台司命下星餘悉從刪不曉何意○蔣志

贛州天文斗分野

明一統志

按星野之說其傳自古後世諸家論述迭有異同惟唐僧一行雲漢升降山河兩戒之說為最辨寧都邱

邦士遞衍其義以爲地之應天天以竒而縱地以偶而橫惟此土爲然其說愈益精密矣顧一則謂星紀得雲漢下流析木爲雲漢末派故以燕與吳越兩河之終當析木星紀雲漢之終一則據圖書位數以燕吳魯衛漢尾交錯爲貞淫文武南北中外之變之要歸似皆不免沿舊圖之誤而曲爲之辭宜乎後人之讀其書而不能無疑也近得臨川紀氏大奎分野圖說其論乃特明確以爲地常靜者也天常動者也十二辰之星象每日徧周於十二方位每位徧值於十二辰本無東西南北之可定必有一時中所值之辰

輿國縣志

卷之一

星野


二

得合於方位中自然之形勢而野之所以分由此見焉南北河之首於秦蜀此方位中自然之形勢也雲漢之始於坤而抵於艮此十二辰中自然之象有合於方位中自然之形勢者也若以雲漢首坤之亘古不易者就兩戒山河之首於秦蜀則天綱指於坤地紀交於乾北斗自乾攜巽爲天綱雲漢自坤抵艮爲地紀天地交通氣機相應由是以定十二次分野之位其大畧蓋無不合是時心星明堂天市帝座當天之中天子建國經野辨方巡狩之象也故天市垣分野之位亦皆合言星野者於是乎有定論矣或又疑輿地至廣天無不覆中

國郡縣何遂足以盡周天之宿度而分配無餘則方氏孔炤已嘗言之潛草曰環而列之無不可以類配應幾者以大地應天可以中國應天亦可以一郡一室應天亦可古人占分野原非限定如甲子干支亦用分野可推也若夫燕越之宜更易魯衛之不應分屬則徐圃臣之說不爲無據左傳昭公三十二年越得歲而吳伐之註謂歲在星紀疏言以次考之歲在析木足徵析木本越分吳越本屬兩舍知析木之爲越分則燕分之不當在析木可知其謂鄱贛潮海連及八閩皆屬尾箕者實與新唐書自豫章迄會稽南

逾嶺徼爲越分之說相脗合故紀氏訂正之圖分越於寅還燕於戌并魯於亥其法以辰就地而非以地就辰頗兼採徐氏之論然則興國之隨贛隸古豫章郡者按其所值於辰當屬寅於次當屬析木於星當屬尾固昭昭可信矣第斗牛舊說相沿已久歷史未有正其誤者今取舊圖與訂正之圖合而編之以待後人之參觀而互考焉

星野合圖



此據臨川志星野圖稍為更定以地為主而辰就之最內一層雲漢首坤退而降以及于艮第二層天之十二辰第三層天之十二次第四層天之二十八舍皆主于動天體之動輪轉于地體之靜故第五層列地之十二方位第六層分野舊圖第七層校正分野圖第八層八卦方位宋寄南離之中鄭寄坤衛寄艮中宮土屬也其餘各次皆本方之位

興國縣志

卷之一 星野

氣候附

興國居贛上游山高谷窄地勢稍偏天氣隨之燥濕寒燠較中土不同每歲正月既望陰雨多晴霽少二月春社後民方播種三四月炎氣蒸鬱暴雨時作夏至間雷轟雲簇雨不移時芒種以前棉衣袷襦視雨暘為着脫後則迫於煩熱矣炎歎煩毒多在三伏之天入秋彌烈迨白露霜降之交風氣頓肅涼冬雪霰間一二見蓋地雖炎荒而山谷阻深陰陽自別乍寒乍暑極暑極寒皆非人所能擬又嵐氣朝暮襲人宜善調攝舊志

按南北氣候以漸而移大抵多本乎天氣太陽之出

入及節氣之早晚此天氣也測量之法地差二百里則天頂差一度古尺二百五十里嘗就邑中立表實測得興國北極出地二十六度有奇差都城順天府十四度差江西南昌府二度半與贛郡相差不及一度故氣候視贛郡多同而太陽出入晝夜長短則與福建福州府貴州貴陽府大畧相等而稍異於江西省城蓋自春分以後晝刻較省城短數分夜刻長數分自秋分以後晝刻較省城長數分夜刻短數分今列表於後以便檢查至節氣早晚則又當以地圖經度爲據興國在京師偏西一度有餘計節氣時刻當早

興國縣志

卷之一

氣候附

順天五分每年每節皆然非氣候之先到乃時刻之因地而殊也如南昌偏西半度則早二分貴州偏西十度則早二刻十分若福建偏東三度則又遲十二分矣其所以然之故伏讀御製數理精蘊可識其詳茲不具述蔣志興國縣太陽出入晝夜時刻表

	日出	日入	晝刻	夜刻
冬至	卯正三刻四分	酉初初刻一分	四十一刻七分	五十四刻八分
小寒	卯正三刻二分	酉初初刻三分	四十一刻一分	五十四刻四分
大雪	卯正三刻一分	酉初初刻四分	四十二刻八分	五十三刻七分
大寒	卯正二刻十分	酉初初刻五分	四十二刻八分	五十三刻七分
小雪	卯正二刻十分	酉初初刻五分	四十二刻八分	五十三刻七分

立春	雨水	霜降	驚蟄	寒露	春分	秋分	清明	白露	穀雨	處暑	立夏	立秋	小滿	大暑	芒種	小暑	夏至
卯正二刻三分	卯正一刻八分	卯正初刻十分	卯正初刻二分	卯正初刻	卯正初刻	卯初三刻三分	卯初二刻七分	卯初一刻二分	卯初一刻四分	卯初初刻三分	卯初初刻十分	酉初一刻二分	酉初一刻七分	酉初二刻三分	酉正三刻二分	酉正三刻四分	酉正三刻四分
四十三刻九分	四十四刻十分	四十六刻六分	四十八刻	四十九刻九分	五十一刻一分	五十二刻六分	五十三刻七分	五十四刻四分	五十四刻八分	四十一刻一分	四十一刻十分	四十二刻八分	四十三刻九分	四十四刻十分	四十六刻六分	四十八刻	四十九刻九分
五十二刻六分	五十一刻一分	四十九刻九分	四十八刻	四十六刻六分	四十四刻十分	四十四刻十分	四十四刻十分	四十四刻十分	四十二刻八分	四十一刻一分	四十一刻十分	四十二刻八分	四十三刻九分	四十四刻十分	四十六刻六分	四十八刻	四十九刻九分

興國縣志

卷之一

氣候附

又按郡邑各志氣候之外間載歲時占驗蓋以田家作苦意存先事補救而調變之方則在乎官其地者之德與政也今就故老所傳述及大地同占而興國有驗者附識其畧於左

正月初旬十日皆宜晴東方朔歲占云一日雞二日犬三日豕四日羊五日牛六日馬七日人八日穀各有所屬遇某日晴則所屬吉陰則災又九日麻十日

豆亦以是占之上元晴雨視隔年中秋日諺云雲掩中秋

月雨打立春日晴主歲豐雨則主連月陰雨諺云立春日

晴一日農夫耕田不用力又云交春落雨到清明

二月驚蟄節宜先暖後寒諺云驚蟄不凍蟲寒到五月中春分春社

日皆宜雨諺云春分有雨病人稀又云春社無雨莫耕田

三月清明日宜晴諺云清明晴擔秧蒔茅坪言發生之易也穀雨日宜

雨諺云穀雨無雨送田還主

四月初一日宜晴遇陰雨則主旱 立夏至芒種為

梅天亦作霉此時地氣蒸濕物易霉爛故有人霉出

霉之候 立夏後遇北風則必雨寒主旱諺云春南夏北欲雨

便得又云春寒雨起夏寒絕流小滿無雨則芒種乾芒種晴應夏

至多雨諺云小滿不滿芒種不管又云芒種火燒天夏至雨連綿

五月端午前數日多雨各曰划船水俗呼競渡為划船 夏

興國縣志 卷之一 氣候附 七

至後宜熱諺云夏至不熱禾米不結 分龍日宜雨 二十日晴

則收穫之時多晴雨則收穫之時多雨俗呼是日為黃牛晒稗

六月伏日雨主一旬多雨謂之漏伏初伏中伏宜雨

未伏宜晴諺云頭伏山岡二伏人三伏禾米上田堪

七月初七日有風損茶子 立秋日宜雨諺云立秋無雨最堪

愁萬物從來只半收 秋後北風主旱

八月初旬多驟冷名曰凍桂花諺云八月涼桂花香 月中多

輕陰俗呼占家天或曰占當作砧或曰卽詩所謂蒹

葭云 秋社日雨主菜熟諺云秋社無雨莫種園

九月重陽晴則冬暖陰則多雨諺云重陽無雨一冬晴 九十

月間南風大作必有驟寒之應

十月小陽春宜雨諺云十月無雨落高田休要作

十六日晴主柴

薪賤諺云十月十六晴柴草滿街迎十月十六陰柴炭貴如金

冬後雷震主牛

瘟諺云雷打冬十箇牛欄九箇空

每日未申時風起捲地之日必

大霜謂之霜風

十一月冬至日宜陰諺云冬至烏禾攤鋪

冬至後六九前宜

凍 二十七日晴主來歲豐稔俗以是日為封倉日諺云不看三箇一單

看十一月二十七

十二月小寒大寒日皆宜雨諺云小寒應小暑大寒應大暑

臘雪

為瑞雪殺蟲子兆豐年